

# 窗檐思集

## 五絕

### 睡覺

窗檐落雨前，睡覺五更天。筆墨當犁耜，勤耕一畝田。

### 再見·花蓮

縱谷綠連天，蘇花峭壁玄。洄瀾多嫵媚，再見是何年。

註：渡臺漳州人，給花蓮壯闊山脈與海濤取了「洄瀾」的雅稱，其閩南語發音與「花蓮」相近，後指稱花蓮。

## 五律

### 庚子端午抒懷

南風似火爍，炙我若紅燒。避暑尋幽徑，登樓望曲橋。  
端陽宜弔古，楚客別漁樵。足滌滄浪水，江心取一瓢。

註：依歷代詩詞格律，「滄浪」連用平聲。

### 觀新冠病毒新聞後感

武漢疫瘋來，神州惹世哀。封城摧百姓，斷食哭嬰孩。  
病染何勝數，魂歸不及猜。山川猶壯麗，異客也徘徊。

## 七絕

### 庚子雜詩賀歲三首

吉鼠盈財凭正道，吱吱洞鑿蓄金銀。聰明十二居群首，小肚能容萬世珍。之一

註一：先人云：「錢鼠乃鼠類中之吉者，切勿驅趕殺絕之。」

註二：吱吱，猶如閩南語「錢」之諧音。

庚子娘家迎子婿，春偕夜雨伴天晴。慵來懶赴周公約，也擬希夷夢養生。之二

逍遙走逛橋頭廠，落葉鋪陳坐望天。小盹遨遊如夢蝶，人間到此是神仙。之三

註：高雄橋頭廠，舊稱橋頭廠；廠，糖廠。目前為高雄熱門觀光景點。

### 辛丑雜詩賀歲詠牛

土畜辛勤厚德餘，宜耕種作避牛墟。花間不問紅塵事，且盼清閑可掛書。

### 七夕頌

海客乘槎登斗宿，天河邈邈杳無蹤。因緣巧遇牽牛約，笑訪君平織女逢。

註：採張華《博物記·雜說》客星犯牽牛星典故。

### 清明過屏東內埔昌黎祠

斯文浩瀚充天地，骨氣凌人勝佛心。載道千秋遺萬世，弦歌兩岸滿知音。

### 無斗才戲謔己詩

羲皇釀菊撫空絃，摩詰狂歌五柳前。笑我身無才八斗，顛吟百步湊詩篇。

註：友戲謔，幸我非子健，否則命休矣。

### 資本主義之思

黨政喧囂豢佞臣，荒唐社稷笑人貧。民生自蔽爭高尚，競看東風拜路塵。

## 七律

### 府城漫遊抒懷三首

安平戀戀漁光島，觀夕粼粼四草紅。近岸拋竿魚隱現，長汀戲水月朦朧。  
運河擊鼓聲猶響，古堡離人屋已空。舊港還留成歷史，城門落址斷垣中。之一

七股鹽田半日遊，瀉湖淺淺泊沙洲。荷西不見堆山雪，明治誰知佃戶憂。  
遠客平添情意暖，嘉賓橫斷古今愁。三杯笑語闌珊態，我寄詩文臥小舟。之二

府城昔日竟何如？古冊難窺一貌全。始現東番歌部落，方知首邑識臺圓。  
他鄉寂寞滄桑景，我輩徘徊楚漢天。殘局由來無結果，風情盡在舊詩篇。之三

### 觀時事選舉有思

幾代先賢筆路辛，婆娑美島賜良民。為官一世蒼生念，食祿三餐白屋鄰。  
良吏從來留史冊，老臣自古報君親。人心向背隨流水，國祚風帆泛九垓。

### 清明抒懷

野草叢生荒老塚，誠心淨掃且懷憂。碑文永念先人訓，正氣長存後輩謳。  
寒食安知思足下，綿山怎料化坟丘。忠臣不祿猶傳耳，寄託清明復九州。

### 中秋詠姮娥

醉美空明是仲秋，姮娥此夜不須愁。藍星萬里人翹首，白璧千輝爾守柔。  
姿色平分非獨厚，君容變易更難求。寒宮寂寞雖無悔，兩望悠悠漢水流。

### 聞他校退場有思

熱暑難消似箇愁，商羊鼓舞擾南州。他聞少子侵私塾，爾見批師斷束脩。  
忍辱平生求五斗，遮顏我輩貫千裘。浮沉換酒尋巢父，一醉無常萬事休。

### 日本東京初遊抒懷二首

夏至關東初悅賞，山梨富士去風霜。晴空塔頂浮雲避，上野町間菓豆嚐。  
淺草觀音籤大吉，雷門淨手運禎祥。維新待得民同樂，不負天皇與國殤。之一  
註：夏日時期，富士山白雪消融，皚皚雪景已不復見。

迪士尼遊步步翻，海洋陸地不同天。雙園作客臨城堡，一票通關換綺緣。  
王子仁心憐白雪，姑娘美善遇神仙。憨兒樂暢雲開闊，稚女懷恩擁入眠。之二  
註一：雙園，指陸地及海洋公園各一，因遊園之大，需二天時日得以一窺全貌。  
註二：通關，指為增加遊賞效率，特售以快速通關票券而免去大排長龍之苦。

## 古體

### 知命

一葉因風落，殘軀已知秋。天命固有數，笑看東水流。  
吾少不更事，天地任我遊。規矩如敝屣，分寸亦不留。  
三年皆落第，不曾悔與羞。高堂皆掩面，早晚淚以憂。  
待到從軍行，始覺八字輕。艦首破巨浪，浪子也心驚。  
軍令不可違，艦橋度五更。嘔心意不適，艦尾聞哭聲。  
忽傳演習號，雙砲發雷鳴。擁槍海上餐，頭盔甲板傾。  
長夜獨聽海，思緒復清明。荒唐昨日死，歸航向鵬程。  
重拾舊書冊，返校勸耕耘。奮力十寒暑，方知學無垠。  
冥冥皆注定，富貴若浮雲。執教十八載，不戀阿堵君。  
知命隨緣去，孤寒懼高樓。安貧且樂道，三餘伴韓歐。  
回首近半百，半身入坟丘。不與天爭歲，但求心無憂。

### 憫農

天乾久旱過半載，多少湖底現樓台。大地龜裂斷生機，人禍頻傳又天災。  
為官應曉民艱苦，奈何烏紗選票催。女魃不仁猶如此，叔均在世也悲哀。  
民生富庶寄於天，恩賜甘霖沃肥田。當思水源得不易，滴水成河便湧泉。  
先賢拓荒鑿水庫，南有曾文北石門。南北蓄水供不盡，家戶飲水且思源。  
耕耘有待水灌溉，收藏可望稻穀存。神農五穀不可廢，遺澤萬世庇子孫。  
忽聞兩岸斷交易，哀哀果農誰訴冤。鳳梨繁旺無人問，芳鄰冷漠驚失惺。  
老小自裁求溫飽，眼前果熟已滿園。哀思銷路何處去，爛果飛蠅越他村。  
宗果結實空無籽，未照甲子合乾坤。心血空擲沉大海，望天無語若失魂。  
天降罪罟難喘息，朝野內訌心藏奸。昏椽靖夷傷我族，蕞爾寶島起波瀾。  
無辜黔首遭橫禍，饕餮斷續隔幾餐。俛仰無愧祈后土，跪求皇天降鳳鸞。

## 詞

### 卜算子·庚子春日詠梅（依《東坡詞格》）

春雪送冬雲，吹瘦群芳冷。  
傲骨霜枝獨綻顏，猶似伊人靚。  
不待可人憐，不妒幽桃杏。  
寒去冰融已過時，獨秀孤清影。

### 調笑令·憶少年 KTV 歡飲達旦（依戴叔倫《轉應曲》詞格）

斟酒，斟酒，永夜會須千斗！  
放歌一曲銷愁，轉瞬青春白頭。  
頭白，頭白，夢醒老身老宅。

### 憶江南·春日即景抒情（依溫庭筠詞格）

春日事，無悔是東風。  
吹醒異鄉騷墨客，夢魂時刻太匆匆。  
休道野花紅。

### 風入松·辛丑春日詠梅（依吳文英詞格）

大寒單薄也開花，孤影那堪嗟！  
傲霜鬥雪寒冰骨，可惜他，今有誰誇？  
灰鷺夜啼驚夢，醒時星斗橫斜。  
枝條滋蔓吐青芽，朝氣貫雲霞。  
休言君子群芳妒，任誰侵，譏諷由他！  
更歲梅開花落，暗香飄滿天涯。

### **相見歡·友來訪小酌聊私校窘境 (依李煜詞格)**

客來飲酒同斟，夜沉沉，  
少子悲歌無奈訴知音。  
友不寐，吾將醉，發狂吟。  
空笑我身人困似囚禽。

### **菩薩蠻·忘情 (依李白平仄韻轉換詞格)**

孟婆愛恨肝腸斷，奈何不見回頭岸。  
問佛捨輪迴？忘情斟一杯！  
本來無一物，塵染可輕拂。  
何苦惹塵緣，望穿五百年！

### **蘇幕遮·悼太魯閣事件慰亡魂 (依范仲淹詞格)**

旅清明，歸樂土。異客還鄉，魂魄飛何處。  
可恨邊坡難掩阻。夢碎征途，莫怪佳人怒。  
禍人倫，誰可訴。天地無言，閻閻人心誤。  
隧道幽幽頻慄慄。顧盼來生，搵淚長相聚。